

忠

肆

痔漏

脫肛

遺尿失禁

雜方

附諸香

諸虫

咽喉

袖

珍

方

○痔漏

痔之五種牡痔腸痔血痔牝痔脉痔是也究其所因
皆是素蘊熱毒或過食燒炙新酒久坐血脉不流或
因七情之氣鬱結乎臟腑之間其毒不能消散發而
為痔或藏於肛門之內或突出於外大者如蓮花雞
冠核桃之狀小者如牛妳雞心鼠尾櫻桃之類名狀
更多其實皆由臟毒所致故蘊毒深者其狀大蘊毒
小者其形小或流膿水或出鮮血行坐之間病者殊
為之苦久而不治血氣衰弱必然成漏今之治法多
用刀線割剔其痔雖有藥可以封固然其毒在內無
由而去必有再作之理否則成漏轉而為難治之證

諸方多有服食敷貼之藥今人用之少見有効揆度其理其病既有形於外非服藥之能愈必須用去毒消痔之藥恐致人奄忽慎之慎之又有無痔者肛門左右別有一竅流出膿血名為單漏治之須用溫煖之藥補其內又以生肌肉之藥敷於外其竅在皮膚者易愈臟腑有損而生竅者於易治也

槐角丸

和劑方

方載諸血門治五種痔瘡遠年近

日並皆治之

槐白皮膏

和劑方治內外諸痔久年不愈者

槐白皮

棟實各五兩

赤小豆二合

桃仁十六枚

當歸三兩

甘草

白芷 各二兩

右咬咀以煎成猪膏一斤微火煎至黃色無可成膏以貼瘡

楊藤子

御藥院方治腸癖下血痔漏結核疼痛

茴香 炒

槿藤子

一箇重六錢者
酥炙和皮用

皂角刺

燒存性

桔白凡

枳殼

去白焚火

樗皮

焙乾各半兩

白附子 炮

乳香

二錢半

蝟皮

燒存性五錢

右為末醋麪糊丸如梧桐子每服五十丸空心溫

酒下如痔瘡痛醋研五七丸塗患處

五灰散

三因方治五種痔不問內外並宜服之

鱉甲治痔瘡

蝟皮牡痔

蜂房脉痔

蛇蛻氣痔

猪左足懸蹄甲治腸痔各等分

右燒存性隨證倍用一分為末并花水調二錢空心卧時服

薰洗痔方本亭方

枳殼不拘多少

右為末每服二錢水一大碗沙瓶內煎百沸先以

薰蒸而後洗之

蠟丸濟生方治五種痔漏

猪左懸蹄黃角腮

蝟皮一枚同土

防風去芦貫衆

槐角子炒

驚甲醋煮

枳殼去白生用雞冠花

槐花炒

黃耆去芦雷丸

黃連去蘆

香白芷 當歸去芦酒浸

油髮灰

玄參各半兩麝香別研半錢

石為末米糊丸如梧桐子大每服百丸空心以米飲湯送下年高并虛弱者不宜服

蝸牛膏濟生方敷痔有効蝸牛一枚麝香少許用小

砂合子盛蝸牛以麝香摻之次早取汁塗痔處

五灰膏危氏方治臟腑一切蘊毒發為痔瘡不問遠

年近日形似雞冠蓮花核桃牛乳或內或外並皆治之此方親傳之瘡科劉叔茂累試皆驗不敢自秘

蕎麥灰

半斗許

荆柴

老杉枝

山白竹

剉柴

以上四般柴竹截作二尺許長以斧劈破片各取
一束晒乾於火上燒過置壘內為炭防為風所化
俟燒盡却以水於窩內煮出炭汁又用酒漏以布
帛實其竅置蕎麥灰於酒漏內以所煮四般炭汁
淋之然後取汁於窩內慢火熬汁約取一小碗候
入石灰國丹稠和成膏以瓦瓶貯之上用石灰傳
面不令走氣臨用時却去石炭以冷水調開令病
者以水洗淨痔瘡仰卧搭起一足失以濕紙於
瘡四圍貼護却用竹筴桃藥塗瘡上須臾痛息用

紙指去藥并塗如此三四遍要痔瘡如墨樣黑方
止以水洗淨每日常置冷水一盆以葱湯和之日
洗三五遍六七日後膿穢出盡其瘡自消

黑圓子危氏方專治久年痔漏下血用之累驗

乾姜

百草霜一兩

水饅頭二兩

烏梅

敗棧

栢葉

油髮各五錢

以上七味各燒灰存性却入後藥

桂心三錢

白芷五錢各不見火

右九味為末醋糊丸如梧桐子空心米飲下三十丸

寬腸丸

醫方大成五灰膏塗痔瘡之後或臍臍秘結

不通者用此藥寬腸

黃連

枳殼 各等分

右為末麵糊丸如梧桐子每服五十九空心茶飲下
香殼丸 宣明論方治濕熱內甚因而飽食腸癖為諸
痔久而成瘻

木香

黃蘗 各三錢

枳殼 去穢炒

厚朴 各半兩

黃連 一兩

蜀皮 一箇 燒灰

當歸 四錢

荆芥穗 三錢

右為末麵糊為丸如桐子大每服二三十丸溫水
下食前日三服

黃耆烏花丸

宣明論方治腸中久積熱痔瘻下血主母

痛

黃耆

葛花

生地黄焙

黃赤小豆花各一两

大黃

赤芍藥

黃芩

當歸各七錢半

蟬皮一箇

檳榔

白疾藹

皂角子仁炒各半兩

右為末煉蜜和丸如梧桐子大每服二十九至三十丸煎桑白皮湯下食前槐子煎湯下亦得

蒲黃散技粹方治下部痔漏

蒲黃一两

血竭半兩

右為細末每用少許貼患處

釣腸丸

和劑方治久新諸痔肛邊腫痛或生瘡痒時

有膿血又治腸風下血及肛門脫出宜服

枯樓

性二枚燒

蝟皮

性二箇燒存

胡桃仁

去取仁二油罐十五兩存性不

白凡微枯二兩

雞冠花

微炒五兩

綠凡枯

白附子生用

天南星

生用

枳殼

去穰麩炒

附子

生去皮臍

訶子

煨去皮各二兩

半夏

二兩

右為末醋糊丸桐子大每服二十九空心臨卧温

酒下

黃連

宣明方治腸風下血疼痛不止

雞冠花

黃連

貫衆

川大黃

烏梅 各一两

甘草 七錢半

右為末每服二錢用溫米飲調下日三服不計時

枳殼散

御藥院方治腸風痔漏便血無數疼痛不可

忍者

枳殼

麩炒

天

糠

槐子 微炒黃色

荊芥穗

各五錢

錢

右為末每服二錢薄粟米粥調下如人行一二里地再粥壓之空心日進二三服

治腸風脈毒

經驗方

右用胎帝燒存性為末米飲調下二錢小兒服半

錢

治痔漏方

秘方

用蛭娘不以多少焙乾為末先用白凡水洗淨貼之

辰砂錠子

秘方治痔漏等瘡

人言一錢

白凡二錢

蜜陀僧

辰砂各五分

右件先研人言細鋪鍋底次用凡鋪人言上枯烟盡為度次將陀僧辰砂研細白糯米和作尖錠如小麥大每用一粒頑漏納瘡口上去敗肉盡後貼生肌

秘方

秘方

寒水石

煨一錢

龍骨

煨二錢

乾胭脂

二分

輕粉 一分

右件研末乾貼瘡處寒水石干胭脂加龍腦瘡老
止依方

辰砂膏

秘方

瓜蒂 三錢末

蜜陀僧 研二錢
硃砂 半錢

片腦 少許

右件為末乾津調貼濕乾貼

王

秘方

白凡 二兩

硃砂 四錢

硃砂

二兩洗燒硃砂在鍋內次用白
末在上枯烟盡為度

右件為末敷痔乾用津唾調貼

代針膏 秘方

枳殼一箇去穰大者

巴豆五錢去皮

右件將豆粧在枳殼內線縛確內盛醋煮乾枳豆
晒乾研細用絲線蘸濕展藥敷痔根上去痔不用
止用生肌散如頑漏日久不可用津調代針膏敷
瘡頭失敗肉自去

薰痔法 秘方

右用全蝎不以多少或三二箇初發痔痒用此燒
薰

痔瘡 經驗方

右用韭菜不以多少先燒熟湯以盆盛湯在內盆

上用器具善之留一竅却以韭菜於湯內泡之以
穀道坐竅上令氣蒸薰候溫用韭菜輕二洗瘡數
次自然脫體

又方秘方

先用乾馬蔴兌煎湯次用螺螄活搗敷瘡紙封口
空心食前鹽湯調枳殼末服

烏玉丸

秘方治男子婦人久血腸風痔漏着床疼痒

不可忍者服此三四次見効初得此病或痒或疼谷
道周回多生硬核是也痔破是漏下血是風皆因酒
色過度即成此疾人多以外醫敷洗病在腸自有虫
若不去根者其病難除

亂髮阜角水洗八兩

敗機八兩

槐角六兩

雷丸四兩

牛角腮一對十兩

苦棟根五兩

芝蔴四兩

右件剉碎用磁器內燒存性礬末入乳香二兩射香八錢研勻酒糊為丸桐子大服五十丸細嚼胡椒一枚溫酒送下空心晚二服甚者三服忌別藥房室醋魚雞諸般發風動氣毒物并坐湿地

雲臺散 秘方

雲臺子

蔓青子

蘿蔔子

荊芥子

羌萎子

萬葉子

蒼連子

葱子